

Prirodno-matematički fakultet
Društvo matematičara i fizičara Crne Gore

OLIMPIJADA ZNANJA 2014

Rješenja zadataka iz MATEMATIKE
za VIII razred osnovne škole

1. Dokazati da je broj $2^{62} + 1$ djeljiv brojem $2^{31} + 2^{16} + 1$.

Rješenje: Dovoljno je uočiti da važi

$$\begin{aligned} 2^{62} + 1 &= (2^{31})^2 + 1 = (2^{31})^2 + 2 \cdot 2^{31} + 1 - 2 \cdot 2^{31} \\ &= (2^{31} + 1)^2 - (2^{16})^2 \\ &= (2^{31} + 1 + 2^{16})(2^{31} + 1 - 2^{16}). \end{aligned}$$

□

2. Za 100 učesnika na turniru organizuju se nagradni dueli, po dva duela za svakog učesnika. Pri tome ne postoje dva učesnika iste snage, a u duelu dva učesnika jači uvijek pobijedi slabijeg. Nagrade dobijaju svi učesnici koji pobijede u dva duela. Odrediti najmanji mogući broj nagrađenih.

Rješenje: Neka su učesnici označeni brojevima, tako da poredak učesnika od najslabijeg do najjačeg bude predstavljen redom brojevima: $1, 2, 3, \dots, 98, 99, 100$. Neka u prvom kolu parovi budu: $1 : 2, 3 : 4, \dots, 99 : 100$. Tako će svi učesnici kojima je dodijeljen paran broj imati po jednu pobjedu, a učesnici koji imaju neparan broj po jedan poraz. Zatim u drugom kolu napravimo sljedeće duele: $100 : 1, 2 : 3, 4 : 5, \dots, 98 : 99$. Sada će pobjednici biti učesnici sa neparnim brojevima izuzev učesnika sa brojem 1, a učesnici kojima je dodijeljen neparan broj će biti poraženi. Učesnik sa brojem 100 će biti jedini sa dvije pobjede. Pošto će taj učesnik u svakom rasporedu duela imati dvije pobjede, najmanji mogući broj nagrađenih jednak je 1. □

3. Ako je n složen broj veći od 4, dokazati da je broj $(n-1) \cdot (n-2) \cdot \dots \cdot 2 \cdot 1$ djeljiv sa n .

Rješenje: Kako je broj n složen možemo razlikovati dva slučaja.


Prvo, ako se n može zapisati kao proizvod dva različita broja $n = a \cdot b$, $a > b > 1$ onda očigledno mora biti $a < n$ i $b < n$, pa se oba ova broja pojavljuju kao činoci u proizvodu $(n-1) \cdot (n-2) \cdot \dots \cdot 2 \cdot 1$. To znači da je dati proizvod djeljiv sa n .

Ako se n ne može zapisati kao proizvod dva različita broja (veća od 1), to znači da je $n = a^2$ gdje je a neki prost broj. Po uslovu zadatka je $4 < n$, pa zaključujemo da je $2 < a$. Množeći

ovu jednakost sa a dobijamo da je $2a < a^2 = n$. Dakle, važi nejednakost $a < 2a < n$, pa se brojevi a i $2a$ pojavljuju kao činioči u proizvodu $(n-1) \cdot (n-2) \cdot \dots \cdot 2 \cdot 1$. To znači da je dati proizvod djeljiv brojem $2a^2$, a samim tim i brojem $a^2 = n$. \square

4. Neka je dat oštar ugao $\angle bOc$ i neka je A tačka u njegovoj unutrašnjosti. Odrediti tačke B i C na kracima Ob i Oc redom takve da zbir dužina duži $|AB| + |BC| + |AC|$ bude namjanji mogući. Detaljno obrazložiti odgovor.

Rješenje: Neka je A' tačka simetrična tački A u odnosu na polupravu Ob , a A'' tačka simetrična tački A u odnosu na polupravu Oc . Neka su B i C tačke u kojima duž $A'A''$ siječe krake Ob i Oc redom. Primijetimo da, zbog izbora tačaka A' i A'' važi $|AB| = |A'B|$ i $|AC| = |A''C|$, pa je $|AB| + |BC| + |AC| = |A'B| + |BC| + |CA''| = |A'A''|$.



Na sličan način zaključujemo da za bilo koje dvije tačke tačke $B' \in Ob$ i $C' \in Oc$ važi $|AB'| + |B'C'| + |AC'| = |A'B'| + |B'C'| + |C'A''|$. Posljednji zbir predstavlja dužinu poligonalne linije koja spaja tačke A' i A'' , pa će uvijek biti $|A'B'| + |B'C'| + |C'A''| \geq |A'A''|$, odnosno $|AB'| + |B'C'| + |AC'| \geq |AB| + |BC| + |AC|$. Posljednja nejednakost dokazuje da su ovako izabrane tačke B i C tražene tačke. \square